

Levvenslänglich

Musik & Text Björn Heuser / Verlag: Dabbelju Music

Ich sinn die Wolke, wie se wandre am Horizont,
t'es wohl ärsch stürmisch bovven huh.
Et rüsch noh Summer, et rüsch alles wie jewohnt,
un ich weiß, jlich küss do.
T'es unvürstellbar, dat ich mich noch immer freu,
wenn ich dinge Schlössel em Schloß hüür.
Un wie ne Hungk, d'r d'r janzen Daach wor allein,
dir entjääje renn, ich sehn mich noh dir!

**Met dir levvenslänglich, levvenslänglich,
met dir levvenslänglich – kei Problem.
Met dir levvenslänglich, levvenslänglich,
met dir levvenslänglich – dat wör schön!**

De Zick bliet manchmol stonn, un ich waade nur op dich,
Sekunde zäh wie ne ahle Käues.
Nenn et ruhig unech, jespielt un kindisch,
su lang ich für mich weiß, dat et woehr es.

Ich leev die Laache, un halt dich fess wenn du et wills,
ich loss dich spille, wenn du maachs.
Wichtig es nur, dat mer weiß mer es für sich do,
jeden Daach un jede Naach.

D'r Wind weed frischer, de Wolke trecke ahn Land,
ich odme dich deef en, un nemm ding Hand.